

VENDIM
Nr.854, datë 18.6.2008

PËR MIRATIMIN E METODOLOGJISË SË RREGULLIMIT TË TARIFAVE, TË ORGANIZMIT, ME FUQI TË NDJESHME NË TREG, “ALBTELECOM”, SHA

Në mbështetje të nenit 100 të Kushtetutës dhe të neneve 58, 59, 60 e 62 të ligjit nr.8618, datë 14.6.2000, “Për telekomunikacionet në Republikën e Shqipërisë”, të ndryshuar, me propozimin e Ministrisë të Punëve Publike, Transportit dhe Telekomunikacionit, Këshilli i Ministrave

VENDOSI:

1. Miratimin e metodologjisë së rregullimit të tarifave të interkonjeksionit, të organizmit, me fuqi të ndjeshme në treg, “Albtelecom”, sh.a., sipas lidhjes nr.1, e cila i bashkëlidhet këtij vendimi.

2. Miratimin e metodologjisë së rregullimit të tarifave të shërbimeve të përdoruesve fundorë, të organizmit, me fuqi të ndjeshme në treg, “Albtelecom” sh.a., sipas lidhjes nr.2, e cila i bashkëlidhet këtij vendimi.

3. Vendimi nr.582, datë 21.8.2003 i Këshillit të Ministrave “Për miratimin e metodologjisë së rregullimit të tarifave, me fuqi të ndjeshme në treg, që ofrojnë shërbime publike telefonike, të qëndrueshme, dhe linja me qira”, i ndryshuar, shfuqizohet.

4. Ky vendim është i vlefshëm për periudhën e parashikuar në metodologjitë, që i bashkëlidhen këtij vendimi.

5. Ngarkohet Enti Rregullator i Telekomunikacioneve për zbatimin e këtij vendimi.

Ky vendim hyn në fuqi menjëherë.

KRYEMINISTRI
Sali Berisha

LIDHJA NR.1
METODOLOGJI E RREGULLIMIT TË TARIFAVE TË INTERKONJEKSIONIT
TË ALBTELECOM SHA

1. Objekti i kësaj metodologjie është rregullimi i tarifave për shërbimet e interkonjeksionit, si më poshtë:

a) Terminim i thirrjeve telefonike në rrjetin Albtelecom sipas segmenteve përkatëse:

i) segment lokal;

ii) segment i njëfishtë;

iii) segment i dyfishtë.

b) Transitim i thirrjeve telefonike kombëtare në rrjetin Albtelecom, sipas segmenteve përkatëse:

i) segment i njëfishtë;

ii) segment i dyfishtë.

c) Transitim i thirrjeve hyrëse dhe dalëse ndërkombëtare nëpërmjet rrjetit Albtelecom.

2. Rregullimi i tarifave për shërbimet e interkonjeksionit bëhet duke përcaktuar nivelin maksimal të tarifave në secilën periudhë rregullimi.

3. Rregullimi i tarifave të shërbimeve të interkonjeksionit sipas kësaj metodologjie do të bëhet për një kohëzgjatje dyvjeçare, e cila përfshin katër periudha gjashtëmujore.

4. Vlerat maksimale të tarifave të terminimit për t'u aplikuar nga Albtelecom sh.a. për periudhat nën rregullim paraqiten në tabelën nr.1 në vijim.

Tabela nr.1. Vlerat maksimale të tarifave të terminimit të Albtelecom
(lekë/minutë)

	Periudha e I-re	Periudha e II-të	Periudha e III-të	Periudha e IV-te
Terminimi:				
Segment lokal	0.92	0.84	0.77	0.70
Segment njëfish	1.81	1.52	1.27	1.06
Segment dyfish	2.30	2.01	1.76	1.54

5. Vlerat maksimale për tarifat e interkonjeksionit për shërbimet e “Transitimit”, për t’u aplikuar nga Albtelecom sh.a. gjatë periudhave nën rregullim përcaktohen në bazë të tarifave të “Terminimit” të periudhës përkatëse në tabelë nr.1, sipas relacioneve të mëposhtme:

- a) Transitim i njëfishtë = Tarifa e terminimit (Segment Nfish) - Tarifa e terminimit (Segment Lokal)
- b) Transitim i dyfishtë = Tarifa e terminimit (Segment i Dyfishtë) - Tarifa e terminimit (Segment Lokal)
- c) Tranzitim ndërkombëtar (hyrës dhe dalës) = Transitim i njëfishtë + Transitim i dyfishtë

- Tarifa e pikës 5(c) përfaqëson detyrimin e operatorëve vendas/të huaj për Albtelecom për transitimin e thirrjeve dalëse/hyrëse ndërkombëtare. Pala origjinuese e trafikut (që dorëzon trafikun në POI me Albtelecom) i paguan Albtelecom detyrimin e transitit ndërkombëtarë dhe detyrimin për terminimin e trafikut sipas marrëveshjeve të Albtelecom me operatorët vendas dhe të huaj.

- Albtelecom të depozitojë në ERT marrëveshjet e interkonjeksionit (apo të shkëmbimit të trafikut) dhe çdo amendim të lidhura me operatorët/bartësit ndërkombëtarë për trafikun hyrës/dalës ndërkombëtar.

6. Tarifat e interkonjeksionit për kohëzgjatjen shoqërohen edhe me tarifat për numrin e thirrjeve të terminuara ose transituara, të cilat përcaktohen në masën jo më shumë se 3% përkundrejt tarifave përkatëse për kohëzgjatjen. Tarifat për numrin e thirrjeve zbatohen vetëm për thirrjet të cilat, sipas rekomandimeve përkatëse të ITU, janë të suksesshme.

7. Nëse gjatë procedurës së rregullimit të tarifave ERT evidenton që operatori nën rregullim kryen veprime që cenojnë konkurrencën në treg, ERT do t’i trajtojë ato në përputhje me legjislacionin në fuqi.

8. Data e fillimit të rregullimit përcaktohet me vendim të ERT-së, i cili merret jo më vonë se 30 ditë mbas hyrjes në fuqi të metodologjisë.

LIDHJA NR.2

METODOLOGJI E RREGULLIMIT TË TARIFAVE TË SHËRBIMEVE TË PËRDORUESVE FUNDORË TË ALBTELECOM SHA

1. Objekti i kësaj metodologjie është rregullimi i tarifave të Albtelecom sh.a. për shërbimet që u ofrohen përdoruesve fundorë, të kategorive “Familjarë” dhe “Të tjerë”:

- a) Akses në rrjetin Albtelecom (pajtim mujor, instalim);
- b) Thirrje lokale;
- c) Thirrje kombëtare brenda rrjetit Albtelecom;
- d) Thirrje kombëtare drejt rrjeteve të tjerë fiks;
- e) Thirrje drejt rrjeteve celulare;
- f) Thirrje ndërkombëtare.

2. Rregullimi i tarifave të shërbimeve, që janë objekti i kësaj metodologjie, bëhet sipas

metodës “Kufiri maksimal i normës së ndryshimit të tarifave” (*Price cap*).

3. Formula e metodës “Kufiri maksimal i normës së ndryshimit të tarifave”, ku bazohet rregullimi i tarifave, është:

$$\sum_{i=1}^n w_{i,t} \left[\frac{p_{i,t} - p_{i,t-1}}{p_{i,t-1}} \right] \leq I_t - X_t$$

ku :

- t : periudha kohore për të cilin vendoset çmimi;
- i : indeksi i shërbimit në shportën nën rregullim (i = 1, 2, 3, ..., n);
- n : numri i shërbimeve në shportën nën rregullim;
- $p_{i,t}$: tarifa (çmimi për njësi) i shërbimit i në periudhën t;
- $p_{i,t-1}$: tarifa (çmimi për njësi) i shërbimit i në fund të periudhës paraardhëse të periudhës t;
- $w_{i,t}$: pesha e përdorur e shërbimit i në periudhën t;
- X_t : faktori i produktivitetit i përdorur në periudhën t;
- I_t : faktori i inflacionit për periudhën t-1;

4. Metoda “Kufiri maksimal i normës së ndryshimit të tarifave” do të aplikohet për shportën dhe nënshportat e shërbimeve të paraqitura në shtojcën nr.1, pjesë e kësaj metodologjie.

5. Rregullimi i tarifave me metodën “Kufiri maksimal i normës së ndryshimit të tarifave” do të aplikohet për një kohëzgjatje dyvjeçare. Kohëzgjatja dyvjeçare përfshin 4 (katër) periudha 6-mujore.

6. Peshat e të ardhurave nga shitja e shërbimit i “wi” llogariten si raport i të ardhurave nga shërbimi “i” me të ardhurat e përgjithshme të shërbimeve në nënshportë/shportë, për vitin kalendarik paraardhës.

7. Tarifa ($p_{i,t-1}$) në formulën e “Kufiri maksimal i normës së ndryshimit të tarifave”, për secilin shërbim nën rregullim, do të jetë tarifa në fund të periudhës paraardhëse.

8. Për shërbimin thirrje lokale, tarifa ($p_{i,t-1}$), për periudhën e parë nën rregullim do të jetë e barabartë me të ardhurën mesatare për minutë (të ardhura pjesëtuar me numër minutash) sipas brezit kohor dhe kategorisë së pajtimtarit, të përlogaritur për vitin 2006.

9. Pjesa e mbajtur për thirrjet drejt rrjeteve të tjerë llogaritet si diferencë e tarifës së përdoruesit me detyrimin për terminim dhe/ose transitim ndaj operatorëve të tjerë.

10. Vlerat e faktorit X për shportën dhe nënshportat e shërbimeve nën rregullim (shtojca nr.1), për secilën periudhë 6-mujore do të jenë:

a) Shporta përgjithshme:

$$X_s = I_t;$$

b) Nënshporta nr.1 - Pajtimi mujor për kategorinë “Familjarë”:

$$X_1 = -20.00\%;$$

c) Nënshporta nr.2 - Thirrje telefonike kombëtare (midis rajoneve) për kategorinë “Familjarë”:

$$X_2 = +15.00\%;$$

d) Nënshporta nr.3 - Thirrje lokale:

$$X_3 = -10.50\%;$$

e) Nënshporta 4: pjesa e mbajtur për thirrjet ndërkombëtare:

$$X_4 = +15\%;$$

Rritja maksimale nominale (RPI-X) e tarifës së thirrjeve lokale në brezin kohor i zakonshëm për pajtimtarët e kategorisë familjarë (zëri 3.1.1 në tabelë nr.1 dhe zëri 1.1.1 në tabelë nr.4 të shtojcës nr.1) të jetë 12%.

Vlerat e faktorit X mbeten të pandryshuara për secilën periudhë 6-mujore të rregullimit.

11. Vlera e faktorit I_t (faktori i inflacionit i përdorur për periudhën t) do të jetë i barabartë me normën e ndryshimit vjetor të indeksit të çmimeve të Konsumit (IÇK) të vitit kalendarik paraardhës, të

publikuar nga Instituti i Statistikës (INSTAT), të shprehur në një shifër dhjetore. Vlera e normës së inflacionit për vitin 2007, që do përdoret për periudhën e parë nënregullim është 3.1%.

12. Albtelecom, duhet të paraqesë propozim për ndryshim të tarifave për secilën periudhë rregullimi, jo më vonë se 30 (tridhjetë) ditë përpara fillimit të periudhës përkatëse.

13. Albtelecom nuk është i kufizuar në lidhje me numrin e propozimeve për ndryshim të tarifave brenda secilës periudhë rregullimi, me kusht që të përmbushë kërkesat e kësaj metodologjie.

14. Albtelecom ka të drejtë që, brenda secilës periudhë rregullimi, të aplikojë reduktim të tarifave të konfirmuara nga ERT-ja, duke plotësuar, në çdo rast, detyrimet për njoftim të ERT-së, si dhe të përdoruesve.

15. Propozimi për ndryshim të tarifave duhet të përmbajë të gjithë informacionin e nevojshëm, të kërkuar sipas kësaj metodologjie. ERT mund të kërkojë, gjithashtu, informacion shtesë për të verifikuar nëse propozimet e paraqitura përmbushin kërkesat e metodologjisë. Në mungesë të informacionit të nevojshëm, ERT ka të drejtë të përdorë metoda alternative për përlllogaritjen e treguesve të kërkuar.

16. ERT verifikon përputhshmërinë e tarifave të propozuara me kërkesat e metodologjisë dhe, jo më vonë se 15 (pesëmbëdhjetë) ditë nga marrja e propozimit, njofton Albtelecom për rezultatet e verifikimit.

17. Për çdo ndryshim të tarifave, i licencuari detyrohet t'i njoftojë përdoruesit me anë të mjeteve të informimit publik, të paktën 15 ditë para hyrjes në fuqi të tarifave të reja dhe ky njoftim duhet të zgjasë jo më pak se 3 ditë rresht.

18. Albtelecom gjatë periudhës së parë 6 – mujore mund të zbatojë tarifimin me unitete në komunikimet telefonike lokale, por kohëzgjatja e një uniteti nuk duhet të jetë më shumë se 60 (gjashtëdhjetë) sekonda. Në periudhat e tjera sistemi i tarifimit edhe për bisedat lokale të bëhet tërësisht mbi bazë sekonde.

19. Albtelecom mund të zbatojë diferencim ndërmjet tarifave për thirrjet telefonike për përdoruesit “Familiarë” dhe “Të Tjerë”, por në fund të periudhës dyvjeçare të rregullimit, periudha e IV, të mos ketë diferencë në tarifa për shërbime të njëjta, të ofruara në kushte të njëjta.

20. Albtelecom, gjatë periudhës nën rregullim nuk i lejohet të rrisë tarifat për përdoruesit “Familiarë” të lidhjes bashkëngjitur, përveçse për shërbimet e nënshportave që imponohet rritje e tarifës nëpërmjet X negativ.

21. Albtelecom mund të përdorë diferencim të tarifave të thirrjeve telefonike sipas jo më shumë se dy nivele të ndryshme tarifore, të shpërndarë në dy breza kohorë të vazhdueshëm.

22. Në zbatim të kësaj metodologjie, tarifat të shprehura në monedha të huaja do të konvertohen në lekë, sipas kursit mesatar vjetor, llogaritur në bazë të të dhënave të publikuar nga Banka e Shqipërisë për vitin kalendarik paraardhës.

23. Nëse ERT konstaton se Albtelecom zbaton tarifa në kundërshtim me metodologjinë, ose që çenojnë konkurrencën në treg, do t'i trajtojë ato në përputhje me legjislacionin në fuqi.

24. Shtojca nr.1 dhe shënimet janë pjese integrale e kësaj metodologjie.

25. Data e fillimit të rregullimit përcaktohet me vendim të ERT, i cili merret jo më vonë se 30 ditë mbas hyrjes në fuqi të metodologjisë.

[illegible]

[illegible]

[illegible]

	9.9.2	KANADA	Celular	Familjarë													
	9.10.1		Fiks	Familjarë													
	9.10.2		Celular	Familjarë													
10		Biseda telefonike NDERKOMBETARE, brezi orar REDUKTUAR, drejt:															
	10.1.1	ITALI	Fiks	Të tjerë													
	10.1.2		Celular	Të tjerë													
	10.2.1	GREQI	Fiks	Të tjerë													
	10.2.2		Celular	Të tjerë													
	10.3.1	MAQEDONI	Fiks	Të tjerë													
	10.3.2		Celular	Të tjerë													
	10.4.1	KOSOVË	Fiks	Të tjerë													
	10.4.2		Celular	Të tjerë													
	10.5.1	MALI I ZI	Fiks	Të tjerë													
	10.5.2		Celular	Të tjerë													
	10.6.1	GJERMANI	Fiks	Të tjerë													
	10.6.2		Celular	Të tjerë													
	10.7.1	FRANCE	Fiks	Të tjerë													
	10.7.2		Celular	Të tjerë													
	10.8.1	ANGLI	Fiks	Të tjerë													
	10.8.2		Celular	Të tjerë													
	10.9.1	SHBA	Fiks	Të tjerë													
	10.9.2		Celular	Të tjerë													
	10.10.1	KANADA	Fiks	Të tjerë													
	10.10.2		Celular	Të tjerë													
		T O T A L I															

Tabela Nr. 2 : NËNSHPORTA Nr. 1 E SHËRBIMEVE NËN RREGULLIM

ALBTELECOM

Nr	S hërbi m i	Kategoria e pajtimtarëve	Sasia (t-1)		Tarifa (t-1) [ëlekë/njësi]			(t-1) [ëlekë]	Pesha (Wi) [%]	Tarifa e përdoruesit (t) [ëlekë/njësi]	Ndryshimi	KONTROLI [%]	Tarifa e përdoruesit (t) [ëlekë/njësi]	Tarifa e përdoruesit (t) [ëlekë/njësi]
			Minuta	Nr. Thirrje	Tarifa e përdoruesit	Detyrimi për të tjerët	Pjesa e mbajtur							
	1		2	3	4	5	6 = 4-5	7 = 2x6	8	9	10 = 9/6-1	11 = 8x10	12	13 = 12+9
1	Pajtimi mujor	Familjarë												
	TOTALI													

SHTOJCA Nr. 1

Tabela Nr. 3 : NENSHPORTA Nr. 2 E SHERBIMEVE NEN RREGULLIM

ALBTELECOM

Nr	Shërbi	Kategoria e pajtimarëve	Sasia (t-1)		Tarifa (t-1) [ëlekë/njësi]			Te ardhura (t-1) [ëlekë]	Pesha (Wt) [%]	Tarifa e përdoruesit (t) [ëlekë/njësi]	Ndryshimi	KONTROLI [%]	Tarifa e përdoruesit (t) [ëlekë/njësi]	Tarifa e përdoruesit (t) [ëlekë/njësi]
			Minuta	Nr. Thirrje	Tarifa e përdoruesit	Detyrimi për të tjerët	Pjesa e mbajtur							
	1		2	3	4	5	6 = 4-5	7 = 2x6	8	9	10 = 9/6-1	11 = 8x10	12	13 = 12+9
1	Biseda telefonike KOMBËTARE brënda rrjetit Albtelecom "Midis Rajoneve"	Familjarë												
	TOTALI													

SHTOJCA Nr. 1

Tabela nr. 4 : NËNSHPORTA Nr. 3 E SHËRBIMEVE NËN RREGULLIM

ALBTELECOM

Nr	Shërbi	Kategoria e pajtimarëve	Sasia (t-1)	Tarifa (t-1) [ëlekë/njësi]	Te ardhura (t-1) [ëlekë/njësi]	Pesha (Wt) [%]	Tarifa e propozuar (t) [ëlekë/njësi]	Ndryshimi	KONTROLI [%]	Detyrimi për të tjerët (t) [ëlekë/njësi]	Tarifa e përdoruesit (t) [ëlekë/njësi]
----	--------	-------------------------	-------------	----------------------------	--------------------------------	----------------	--------------------------------------	-----------	--------------	--	--

[illegible]

ALBTELECOM

Nr	S h e r b i m i	Kategoria e pajtimarëve	Sasia (t-1)		Tarifa (t-1)			Te ardhura (t-1) [ëlekë]	Pesha (Wi) [ë %]	Tarifa e propozuar (t) [ëlekë/mjeshi]	Ndryshimi	KONTROLLI [ë %]	Detyrimi për të tjerët [ëlekë/mjeshi]	Tarifa e përdoruesit (t) [ëlekë/mjeshi]
			Minuta	Nr. Thirrje	Tarifa e	Detyrimi për	Pjesa e							

					përdoruesit	të tjerët	mbajtur							
	1		2	3	4	5	6 = 4-5	7 = 2x6	8	9	10 = 9/6-1	11 = 8x10	12	13 = 12+9

[illegible]

[illegible]

[illegible]

SHËNIME PËR PLOTËSIMIN E TABELAVE TË SHTOJCA NR.1 ALBTELECOM

1. Kolona nr.1 i referohet emërtimit të shërbimeve aktuale nën rregullim, të ofruara nga ALBTELECOM pajtimtarëve të dy kategorive “Familjarë” dhe “Të tjerë”. Në rast të ndryshimit të emërtimit të shërbimeve apo menyrës së tarifimit të këtyre shërbimeve, d.m.th. ofrimit të shërbimit të kryerjes së thirrjes, ALBTELECOM duhet t’i specifikojë këto thirrje si shërbime të veçanta dhe t’i përfshijë në kolonë nr.1, duke plotësuar njëkohësisht edhe kolonat e tjera 2-13.

2. Kolona nr.2 dhe nr.3 duhet të plotësohen përkatesisht me sasinë të shprehur në “minuta” dhe “numër thirrje” për të gjitha shërbimet e kolonës nr.1, me numër rendor 3-10 dhe, për shërbimet e tjera të plotësohet duke përdorur njësinë matëse numër, që mund të jetë pajtimtarë.

3. Kolonat nr.4, 5 dhe 6 i referohen përkatesisht tarifës së përdoruesit, detyrimit të ALBTELECOM ndaj operatorëve të tjerë për thirrjet jashtë rrjetit dhe pjesës së mbajtur, për periudhën kohore paraardhëse (t-1). Vlerat e këtyre kolonave të shprehen në lekë, me dy shifra dhjetore.

4. Kolona nr.4 i referohet tarifës së përdoruesit për minutë, pa TVSH.

a) Në rast se Albtelecom, përveç tarifës për kohëzgjatjen e bisedës, zbaton edhe një tarifë fikse për thirrje, pavarësisht kohëzgjatjes, në tabelat e shtojcën nr.1, pas kolonës nr.4 duhet të shtohet edhe një kolonë tjetër me nr.4/a “tarifë për thirrje”, e cila plotësohet me vlerat përkatëse.

5. Kolona nr.5 i referohet detyrimit të ALBTELECOM për terminimin (ose dhe transitimin) e thirrjeve drejt rrjeteve të tjerë fiks dhe celularë, kombëtare dhe ndërkombëtare. Për thirrjet brenda rrjetit Albtelecom dhe shërbimet e tjera në këtë kolonë vendoset vlera zero.

a) Në rast se nga operatorët e tjerë, për terminimin (ose dhe transitimin) e thirrjeve në rrjetin e tyre zbatohet edhe një tarifë fikse për thirrje, pavarësisht kohëzgjatjes, në tabelat e shtojcës nr.1, pas kolonës nr.5 duhet të shtohet edhe një kolonë tjetër me nr.5/a “Detyrimi për thirrje”, e plotësuar me vlerat përkatëse.

6. Kolona nr.6 i referohet pjesës së mbajtur nga ALBTELECOM për thirrjet jashtë rrjetit, e cila llogaritet si diferencë e tarifës së përdoruesit (kolona nr.4) dhe detyrimit për të tjerë (kolona nr.5). Për thirrjet brenda rrjetit kjo vlerë rezulton e njëjtë me tarifën e përdoruesit.

a) Në rast se aplikimit nga ALBTELECOM dhe/ose nga rrjetet e tjerë edhe të një tarife fikse për thirrje kolonë tjetër nr.6/a, pjesa e mbajtur për thirrje, dhe të plotësohet me vlerën përkatëse të barabartë me diferencën e vlerave të tarifës për thirrje (shënimi 4/a) dhe detyrimit për thirrje (shënimi 5/a). Në rast të mosaplikimit të tarifës për thirrje dhe aplikimit të detyrimit për thirrje, pjesa e mbajtur për thirrje të plotësohet me vlerën negative të detyrimit për thirrje.

7. Kolona nr.7 i referohet të ardhurave nga shërbimi përkatës në kolonën nr.1, dhe plotësohet me prodhimin e vlerës në kolonën nr.2 (minuta) dhe vlerës në kolonën nr.6 (Tarifë për minutë) d.m.th. $7=2 \times 6$. Rreshti i fundit i kësaj kolone, totali, të plotësohet me shumën e të ardhurave nga shërbimet e listuara në kolonën e parë.

a) Në rast të aplikimit të shënimit 4/a dhe/ose 5/a, kolona nr.7 të plotësohet me shumën e prodhimit të vlerës së minutave (kolonën nr.2) dhe tarifës për minutë (kolonën nr.6) dhe prodhimit të vlerës së numrit të thirrjeve (kolonën nr.3) dhe pjesës së mbajtur për thirrje (shënimi 6/a), d.m.th. $7=2 \times 6 + 3 \times 6/a$.

8. Kolona nr.8 i referohet peshës së çdo shërbimi në kolonën nr.1, dhe përlllogaritet për çdo shërbim “i” si raport i të ardhurave nga shërbimi “i” në kolonën nr. 7, dhe të ardhurave totale nga shërbimet, rreshti i fundit, kolona nr.7. Në rreshtin e fundit të kolonës nr.8 duhet të shënohet shuma e peshave të shërbimeve ($\sum w_i$), e cila duhet të dalë e barabartë me 100%. Vlerat e peshave të shprehen në përqindje me 1 shifër dhjetore.

9. Kolona nr.9 i referohet tarifës së përdoruesit ose pjesës së mbajtur të propozuar nga ALBTELECOM për periudhën në vijim (t) nën rregullim, pa TVSH. Për thirrjet jashtë rrjetit ALBTELECOM kjo kolonë duhet të plotësohet me vlerën e pjesës së mbajtur të propozuar,

ndërsa për thirrjet brenda rrjetit dhe shërbimet e tjera me vlerën e tarifës së përdoruesit.

10. Kolona nr.10 i referohet normës së ndryshimit (Δp_i) midis tarifës/pjesës së mbajtur së propozuar në kolonën nr.9 dhe tarifës/pjesës së mbajtur në periudhën paraardhëse (t-1) në kolonën nr.6. Kjo kolonë të plotësohet me vlerën e përlogaritur si raport i vlerave në kolonën nr.9 dhe kolonën nr.6 minus 1, d.m.th. $10 = (9/6)-1$. Vlerat të shprehen me tri shifra dhjetore.

11. Kolona nr.11 të plotësohet me vlerën e barabartë me prodhimin e vlerave të peshave të shërbimeve (kolona nr.8) dhe vlerave përkatëse të normës së ndryshimit (kolona nr.10), d.m.th $11=8 \times 10$. Rreshti i fundit i kolonës nr.11, të plotësohet me shumën e vlerave të kësaj kolone $\sum w_i \Delta p_i$. Në mënyrë që tarifat (pjesa e mbajtur) e propozuara nga ALBTELECOM në kolonën nr.9, të përmbushin kriteret e rregullimit të metodologjisë dhe të miratohen nga ERT, vlera e kësaj qelize të matricës duhet të jetë më e vogël ose e barabartë me vlerën e shprehjes së përcaktuar në tabelën përkatëse:

- a) për tabelën nr.1, shporta e përgjithshme: $\sum w_i \Delta p_i \leq I_{t-1} - I_{t-1}$
- b) për tabelën nr.2, nën shporta nr.1, pajtimi mujor familjare: $\sum w_i \Delta p_i \leq I_{t-1} + 20\%$
- c) për tabelën nr.3, nën shporta nr.2, thirrje kombëtare midis rajoneve, brenda rrjetit, familjare: $\sum w_i \Delta p_i \leq I_{t-1} - 15\%$
- d) për tabelën nr.4, nën shporta nr.3, biseda telefonike lokale: $\sum w_i \Delta p_i \leq I_{t-1} + 10.5\%$
- e) për tabelën nr.5, nën shporta nr.4: biseda telefonike ndërkombëtare: $\sum w_i \Delta p_i \leq I_{t-1} - 15\%$

12. Kolona nr.12 i referohet detyrimit të ALBTELECOM si në kolonën nr. 5 (shiko shënim 5), por për periudhën nën rregullim në vijim (t). Kjo kolonë të plotësohet me vlerën e detyrimit në periudhën në vijim në rast se njihet në avancë nga ALBTELECOM, sipas marrëveshjeve të nënshkruara me operatorë të tjerë, ose me vlerat e tarifave të rregulluara nga ERT, sipas metodologjive përkatëse. Në rast të kundërt, lihen bosh ose plotësohen me të njëjtën vlerë si kolona nr. 5 (shih shënim 5).

13. Kolona nr.13 i referohet tarifës së përdoruesit që do aplikohet nga ALBTELECOM në periudhën nën rregullim në vijim (t). Për thirrjet brenda rrjetit kjo tarifë është e njëjtë me tarifën e propozuar nga ALBTELECOM në kolonën nr.9, ndërsa për thirrjet jashtë rrjetit ALBTELECOM, tarifa e përdoruesit që do aplikohet duhet të jetë e barabartë me shumën e pjesës së mbajtur të propozuar nga ALBTELECOM në kolonën nr.9 dhe detyrimit në kolonën nr.12, me kushtin që tarifat dhe pjesët e mbajtura të propozuara nga ALBTELECOM të miratohen nga ERT. Në rast të reduktimit të detyrimit në kolonën nr.12 gjatë periudhës nën rregullim në vijim (t), ALBTELECOM duhet të reduktojë tarifën e përdoruesit në masë absolute të njëjtë me reduktimin e detyrimit.

14. Tabelat e plotësuara duhet të depozitohen nga ALBTELECOM në formë të printuar dhe në formë elektronike në CD në formatin EXCEL.